



# QUÆSTIO MEDICA,

CARDINALITIIS DISPUTATIONIBUS  
manè discutienda in Scholis Medicorum, die Martis  
tertiâ Aprilis.



M. CAROLO L E LONG, Doctore Medico  
Præfide.

*An cortex Peruvianus noxarum lactis vindex?*

I.

**P**RINCIPIORUM sanguineæ molis constans harmonia firmam constituit corporis valetudinem, dum inter hæc regnat ordo, sanitas manet incolumis, nulla functionum læsio, ubi à genuina indole deflectunt morbosos affectus, & anoinalas inducunt fermentationes, in febribus continuis & intermittentibus maximè conspicuas, illæ mobilitate vigent, hæ vires acquirunt eundo, in utrisque pulsus frequens & velox, nec ideo semper sanguinis circuitus velocior; Æqualem principiorum normam statuit legitimus rerum non naturalium usus, harum prudens administer medicus inclinatam valetudinem, mentis hilaritate, blandâ quiete fulcit, & in fugam versis immoderatis animi pathematis, dulces apparat dapes quibus balsamum & oleum vitæ, fovet & vegetat, quod negotium agit, potissimum, tempestivâ lactis administratione.

**F**UNCTIONES à spiritibus , horum fons & origo purpureus latex , hæc varie depravantur juxta varias quas subit sanguis alterationes , mille modis alteratur vitalis liquor , frequentissima ejus alteratio ab acidis , dum instar vini acefcit , vinum fugatâ volatili & spirituosâ parte , tartari liquatione , in acidum definit saporem , sic sanguinis spiritibus dissipatis , pars salina , fluorem adepta totam massam acore inficit , hoc vitium emendabit lac , quia dotatum partibus balsamicis , dulcibus & unctuosis , sanguini valet dulcem elaborare saporem ; Cum autem plures sint gradus aciditatis sedulo invigilandum ne sollicitudine assiduâ , vitæ incuriâ , aut alio quovis errore in rerum non naturalium usu , acida plus æquo exaltata alimento dulci , naturæ amico , inemendabilem inurant labem.

## I I I.

**S**INCERUM nisi vas , quodcunque infundis acefcit ; Caveat ergo medicus ne sodalibus iniquis lac confociet , nec succenseas si amarum misceat dulci , amarum enim vindicat ab acido dulce ; Lac est primæ coctionis rudimentum multo sero & limphâ dilutum , ope microscopii videbis moleculas aut globulos raros nantes in liquido vasto , quemadmodum videre est in solutione resinæ à spiritu vini aquæ permixtâ ; Lactis variæ sunt species & differentiæ pro variâ animalium unde mulgentur indole ; bonum est lac muliebre , maternum alieno præstantius ; diversæ sunt iterum lactis dotes pro diversâ pascuorum & tempestatum condi-

tione; Ex tali alimento, tale lac, capellæ elaterium depastæ lac fundunt purgans; Dum sævit hiems & nullus viret in foliis humor lac est effectum, nec diditu facile; quando diffugere nives & rediere gramina campis, capellæ florentem cythifum, & salices carpunt amaras, ubera referunt distenta lacte pingui, fragranti & balsamico, quibus dotibus sanguis depauperatus reficitur, partes languidæ refocillantur, ni infensissimus acidus humor concreciones faciat, laxatâ lactis compage, sed huic fræna dabit potentissima cortex peruvianus.

## I V.

**C**OMPESCENDÆ fermentationi cortice peruviano nullum aptius remedium, nascitur in americanâ ex arbore quam gentianam indicam vocant, ille variis paratur modis, & plurimis utiliter sociatur mixtis; vulgarissima præparatio fit infusione in vino generoso, quidam mustum usurpant cujus fermentatione leni, (hanc enim minuit,) paratur præstantissimum febrifugum; multi pulverem cum vino turbatum bibunt, aut in bolo vorant, alii conficiunt potiones ex cortice cum sassafrâ, scorfonerâ, papavere &c. chymici eliciunt ex eo tincturas cum spiritu vini, extractum faciunt, pharmacopolæ eundem coquunt in syrupum, cum saccharo tabellas formant, optimum & commodum viatoribus remedium, innumeras alias potest medicus sibi fingere, corticis præparationes; Sed eâ lege ut ejus partes amaræ & balsamicæ servantur incolumes, sunt enim illæ coagulationis vindices, & vitalis floris summum præsidium.

**C**ORTICIS peruviani vires tot experimentis confirmatæ sunt, ut ejus fama maneat inconcussa, nec tempus edax hanc possit diruere, omnibus notum chinam chinam, febrium fermenta & humores coagulatos solvere; si in infantis ventriculo lac depravetur, aut acescat, præbe nutrici potiones ex cortice paratas, lactis noxas emendabis, si lactens febre continuâ aut intermittente corripitur, lactans bibat vinum ex cortice paratum; si vicissim lactans febricitet utatur eodem & innoxie lactabit, quin & constat corticem esse colostratis saluberrimum, expertis ratum est sæpe lac esse nocivum cachecticis & tabidis, in his vigent acida fermenta lacti insensibilissima, sed hæc vitia castigabit cortex peruvianus cum sassafrâ in hydromelite coctus; vis tollere aut præcavere nodosam ex lacte podagram, auxiliares opes pete à cortice nostro chamædri fociato chamæpyti & centauryo; Hæc alkalia amara, dubio procul, lac, sincerum & intemeratum servant, sunt enim acidi maligni antidota tutissima.

*Ergo cortex Peruvianus noxarum lactis vindex.*

Proponebat Parisiis JACOBUS MINOT, Sancerriensis ex Avarico, Serenissimi Principis Ducis Borbonii Medic, ordin. Baccalaureus Medicus. A. R. S. H. 1696.

Apud Franciscum Muguet, Regis & Facultatis Medicinæ Typographum.